

COMISIÓN INFORMATIVA ESPECIAL DE CONTAS E DE FACENDA E ECONOMÍA

ACTA da mencionada comisión informativa, correspondente ao día **19 de febreiro de 2020**

Na sala de xuntas do Pazo Provincial da Deputación de Ourense, ás 17.30 horas do día 19 de febreiro de 2020, reúnese a comisión informativa Especial de Contas e de Facenda e Economía coa asistencia dos seguintes deputados e deputadas:

Presidente: D. José Miguel Caride Domínguez, **deputado de Democracia Ourensana**

Deputados/as do Grupo Popular:

D. Rosendo Luís Fernández Fernández

D. Plácido Álvarez Dobaño

D. Álvaro José Fernández López

D.^a Consuelo Vispo Seara

D. Miguel Antonio Cid Álvarez

Deputados/as do Grupo Socialista:

D. Aurentino Alonso Araújo

D.^a Elvira Lama Fernández

D.^a Rosario Rodríguez Delgado

Deputado do BNG: D. Bernardo Varela López

Deputada de Ciudadanos-Partido de la Ciudadanía: D.^a Montserrat Lama Nóvoa

Secretario: D. Francisco Cacharro Gosende

Interventor: D. José Mosquera Casero

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 22 DE XANEIRO DE 2020.-

Pola Secretaría Xeral deuse traslado do borrador da acta anterior, correspondente á ordinaria do día 22 de xaneiro de 2020.

Non se producen intervencións e por unanimidade a comisión adopta o seguinte acordo:

Aprobar a acta da sesión ordinaria da Comisión Informativa Especial de Contas e de Facenda e Economía do día 22 de xaneiro de 2020, conforme co borrador elaborado pola Secretaría Xeral.

2º.- DELEGACIÓN NA DEPUTACIÓN PROVINCIAL DO EXERCICIO DAS COMPETENCIAS DE RECADACIÓN EN VÍA EXECUTIVA DO IMPOSTO SOBRE CONSTRUCCIÓN, INSTALACIÓN E OBRAS DO CONCELLO DE BOBORÁS.-

O Sr. secretario expón o contido da proposta.

Tras un breve debate sométese o asunto a votación.

Non se producen intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Aceptar a delegación de competencias efectuada polo Concello de Boborás a favor da Deputación Provincial, mediante acordo plenario de data 30 de xaneiro de 2020, para a recadación executiva do imposto sobre construcións, instalacións e obras, nas condicións recollidas no acordo de delegación do Concello de Boborás, sendo en todo de aplicación as seguintes condicións xerais:

- a) O contido da delegación abranguerá o exercicio de todas as facultades necesarias para a realización da recadación en vía executiva, ditando todos os actos administrativos necesarios para a xestión dos ditos procedementos, incluída a emisión da providencia de constrinximento e resolución dos recursos administrativos contra os actos de recadación executiva.
- b) Para o exercicio da competencia delegada o concello debería remitir as oportunas certificacións de descuberto do tributo ao que se refire.
- c) A taxa para satisfacer polo concello pola prestación do servizo de recadación en período executivo será o 100% da recarga de constrinximento que debe pagar o debedor tributario conforme co establecido no artigo 6, apartado b) da Ordenanza fiscal reguladora da taxa pola prestación dos servizos de xestión, inspección e recadación da Deputación Provincial de Ourense. A Deputación deducirá da transferencia do importe recadado a cantidade

correspondente á taxa liquidada, sen prexuízo da notificación da dita liquidación na forma prevista no artigo 9 da Ordenanza fiscal.

d) A presente delegación estará vixente a partir do día seguinte ao da súa publicación no Boletín Oficial da Provincia durante un prazo de catro anos, prorrogándose tacitamente por períodos de 4 anos se ningunha das partes mostra expresamente a súa vontade en contra, comunicándollo á outra cunha antelación non inferior a 6 meses á data sinalada ou á de calquera dos períodos de prórroga.

3º.- MODIFICACIÓN DAS BASES DE EXECUCIÓN DOS ORZAMENTOS DO INORDE N.º 1/2020.

O **Sr. interventor** expón o contido da proposta.

D.ª Montserrat Lama Nóvoa, portavoz de Ciudadanos-Partido de la Ciudadanía, anuncia que votará a favor dado que a subvención nominativa prevista na modificación permitirá o pagamento de actividades da CEO xa realizadas no 2019 e polo tanto o pagamento das débedas correspondentes.

D. Bernardo Varela López, portavoz do BNG, di que non pode concordar con esta proposta e que xa dixo no Consello Reitor do Inorde que lle resultaba estraño que non se tivera en conta á CEO no orzamento de 2020 e que se introduza agora esta modificación no dito orzamento pero para gastos de 2019 cando o normal é que fose para actuacións a desenvolver no exercicio 2020.

D. José Miguel Caride Domínguez, portavoz de Democracia Ourensana, anuncia o seu voto a favor.

D. Rosendo Luis Fernández Fernández, do Grupo Popular, di que se trata dunha subvención nominativa á CEO que se propón como tal porque ao ser a única confederación de empresarios da provincia, que aglutina unhas 8.000 empresas, non tería sentido abrir un procedemento de concorrência competitiva; por outra parte entende que a subvención non é extemporánea e que inicialmente estaba previsto incluíla no orzamento de 2019 (por iso non sen incluíu no orzamento inicial de 2020) pero non deu tempo a tramitalo e por iso inclúese agora nesta modificación; destaca ademais o importante papel que, ao seu xuízo, desempeña a CEO con respecto ás empresas ourensás.

D. Bernardo Varela López, portavoz do BNG, di que lle gustaría que se contrastase ese dato das 8.000 empresas, e con respecto á concorrência competitiva di que se podería

facér perfectamente un concurso con criterios obxectivos para dar axudas a entidades asociativas de empresarios, e insiste na estrañeza que lle causa o feito de que o orzamento de 2020 vaia financiar gastos de 2019.

D. José Miguel Caride Domínguez, portavoz de Democracia Ourensana, argumenta que a CEO é unha asociación que integra ás distintas asociacións de empresarios o que lle outorga un carácter singular.

D.^a Elvira Lama Fernández, do Grupo Socialista, di que pola súa experiencia como empresaria coñece o funcionamento da CEO e é certo que formalmente engloba a todas as asociacións empresariais, pero en cambio está por ver que as súas actuacións beneficien a todos os empresarios ou teñan unha repercusión positiva no tecido empresarial das distintas vilas da provincia.

D. Rosendo Luis Fernández Fernández, do Grupo Popular, di que as actuacións que se subvencionan son actuacións de formación, asesoramento aos afiliados e internacionalización de empresas, abertas a todas as entidades integradas na CEO, polo que entende que está perfectamente motivada esta subvención.

Non se producen máis intervencións e co voto favorable do Grupo Popular (5), de Democracia Ourensana (1) e de Ciudadanos-Partido de la Ciudadanía (1), e a abstención do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente a modificación das bases de execución dos orzamentos do INORDE n.º 1/2020, para a especificación da dotación orzamentaria e beneficiario das subvencións, segundo o cadro seguinte:

Beneficiario	Finalidade	Importe €
Confederación Empresarial de Ourense (CEO)	Desenvolvemento de accións empresariais e gastos de funcionamento 2019	56.000,00
Total		56.000,00

2º.- De acordo co artigo 169 da Lei reguladora das facendas locais, por remisión do artigo 177.2 do mesmo texto legal, o expediente será exposto ao público, tras o anuncio no Boletín

Oficial da Provincia, por 15 días, durante os cales os interesados poderán examinalo e presentar reclamacións ante o Pleno.

O expediente considerarase definitivamente aprobado se durante o citado prazo non se presentasen reclamacións.

4º.- MOCIÓN DE URXENCIA.- Non se presentan.

5º.- ROGOS E PREGUNTAS.- Non se formulan.

E, ás 17.50 horas, dáse por finalizada a reunión, redactándose a presente acta que se asinará electronicamente. Dou fe.